

18.11.2015.



U sklopu pripreme za održavanje sajma privrede, poljoprivrede, zanatstva i roba široke potrošnje koji će se održati u Centru Skenderija od 17.12 do 20.12.2015.godine predstavnici Udruženja poslodavaca BPK Goražde, Privredne komore, Dana jabuke i općine Goražde posjetili su jučer Centar Skenderija i susreli se sa menadžmentom ovog Javnog preduzeća koji je organizator pomenutog sajma.

Cilj posjete je bio da se izdefinišu pojedinosti oko štanda koji će imati sve tri općine iz BPK Goražde i na taj način prezentovati privredni, poljoprivredni, turistički i drugi potencijal, te na najbolji mogući način poslati najljepšu sliku kantona i reklamirati privredu kantona, kao i omogućiti poljoprivrednim proizvođačima da prodaju svoje poljoprivredne proizvode na sarajevskom i drugim tržištima.

Predstavnici Centra Skenderija su zadovoljni što će na sajmu imati predstavnike iz našeg kantona i pridružiti se izlagačima iz ostalih krajeva BiH i šire i tako omogućiti međusobno upoznavanje, razmjenu kontakata i ugovoranje budućih poslova.

Općina Goražde pokriva troškove štanda koji će se nalaziti na površini od 50 m².



Tehnička služba Udruženja poslodavaca BPK Goražde